

PROGRAMMA

Quo
RECTOR

UNIVERSITATIS ROSTOCHIENSIS
JOACHIMUS LUTKEMANNUS,
Theol. Licentiatus; Ecclesiastes &
Professor Physices Metaphysicesq;
Ordinarius.

ab

INSANA
BACCHANA-
LIORUM TURPI-
TUDINE,

Studiosos Juvenes seriò debortatur.



ROSTOCHI,
Typis NICOLAI KILII, Acad. Typogr.
ANNO M. DC. XLVII.

26

PROGRAMMA

RECHERS

UNIVERSITAT DE BORDO

JOACHIMUS L. DE BORDO

THEO. LICENCIATUS

PROFESSOR

CHANCELLOR

IN

BACCHAN

58700


(3)



ROBERT

WELLCOME LIBRARY

INSTITUTE



Aria in variis locis sacra
ut variæ sunt mortalium libidi-
nes, turpissimo Deastro Baccho
instituta legimus, cui Diaboli-
cum suum Evoc, plenis fauci-
bus acclamabant, & victimis
foedissimis hostiabant. Apud Athenienses pariter
& Latinos agebantur Ascolia, in quibus utres in-
flatos ventoq; vel etiam vino plenos altero pede
insiliebant, in honorem Dionysii, ubi sæpius in-
ter saltandum in terram labentes decidebant;
peritior autem vinum habebat præmium. Quæ
præterea acta fuerint præclare expressit Virgil.
l. 2. Georgicorum.

——— Baccho caper omnibus aris
Ceditur. *Et veteres ineunt proscenia ludi,
Præmiaq; ingentes pagos Et compita circum
Theseida posuere, atq; inter pocula leti
Milibus in pratis unctos saliere per utres.
Nec non Ausonii Troja gens missa coloni
Versibus incomptis ludant risuq; soluto,
Oraq; corticibus sumunt horrenda cavatis;
Et te Bacche vocant per Carmina lata tibiq;
Oscilla ex alta suspendunt mollia pinis.*

*Hinc omnis largo pubescit vinea fœtu;
Complentur vallesq; cava saltusq; profundi
Et quocunq; Deus circum caput egit honestum.*
Eundem, ritum Natalis comes, in sua Mythologia, hisce verbis explicat: Bacchi statua cum Carmi-
nibus inconcinne ebriorum more compositis in ejus lau-
des patrio Idiomatice singularum nationum circum fe-
rebatur circa vineas: quæ res plurimum ad fertilita-
tem, conferre putabatur, atq; ij qui ista faciebant perso-
nas sumebant è corticibus arborum & vini face ali-
quando perungebantur, ne cognosci possent, quia multa
ridicula, multa parum decora, multa turpia & pudore
plena dicebant, quæ sine personis dicere omnino pu-
duisset. Deinde vineis lustratis ad altare Bacchi, un-
de discesserant, redeuntes, sacras victimas in lancibus
offerebant, & comburebant. Deinde altissimis arbori-
bus imagines quasdam modo fictiles, modo ligneas,
Baccho sacras & illi similes appendebant, quas à parvi-
tate oris dicebant Oscilla, ut longissime possent prospi-
cere, quia vineis conferre putabantur. His ita actis in
Convivium & è convivio domum discedebant. Hæc
ille, ex quibus Bacchantium insaniam cognoscis,
foeditatem autem si phallogogia seu phallica
consideras, præcunte Augustino l 7. C. D. c. 21. In
Italiae compitis quadam dicit (Varro) sacra Liberi ce-
lebrata, cum tantâ licentia turpitudinis, ut in ejus ho-
norem pudenda virilia colerentur: non saltem aliquan-
tum

tum verecundiore secreto, sed in propatulo exultante
nequitia. Nam hoc turpe membrum per Liberi dies fe-
stos cum honore magno plostellis impositum, prius per
rura in compitis, Usq; in Urbem postea vectabatur.
In oppido autem Lavinio unus Libero totus mensis tri-
buebatur, cuius diebus omnes verbis flagitiosissimis u-
tebantur, donec illud membrum per forum transve-
ctum esset atq; in loco suo quiesceret. Cui membro inho-
nesto matrem familias honestissimam palam coronam
necesse erat imponere. Sic videlicet Liber Deus pla-
candus fuerat pro eventibus seminum: Sic ab agris fa-
scinatio repellanda, ut matrona hoc facere cogeretur in
publico quod nec meretrix si matrona spectarent, per-
mitti debuit in theatro. Originem fœdissimarum fe-
riarum Natalis comes recenset: Fama est, inquit,
quod Pegaso imagines Dionysi ex Eleutheris Civita-
te Boeotiae in Atticam regionem portante, Athenienses
Deum neglexerunt, neq; ut mos erat, cum pompa acce-
perunt: quare Deus indignatus pudenda hominum
morbo infestavit, qui erat illis gravissimus: tunc eis ab
oraculo quo pacto liberari possent petentibus, respon-
sum datum est, solum esse remedium malorum omnium
si cum honore & pompa Deum recepissent: quod fa-
ctum fuit. Ex ea re tum privatim tum publicè lignea
Virilia thyrsis alligantes per eam solemnitatem gesta-
bant. Ita Natalis; Ludovicus vires autem in com-
mentariis, quibus illustravit Augustinum de

Civ. D. aliter: Diodorus Osiridem quem eundem Bacchum fuisse ferunt, discerptum à Typhone fratre narrat datumque unicuique eorum qui cum Typhone conjurarant, partem aliquam, quo & fideliores inter se forent & Osiridis mors melius celaretur: Virile membrum cum nemo vellet recipere, in Nilum est abjectum. Postea Isis mariti necem ulta, membra omnia ex conjuratis recuperavit & ubi deesse mentulam intellexit, imaginem ejus sacravit & ad suam Consolationem majore habuit honore, quam reliquas partes, Ceremoniasque & sicra illi instituit, phallumque dixit, cui primum initiabantur futuri sacerdotes. Quia autem vanissimas fabulas conati sunt naturalibus interpretationibus honorare, etiam mysterium quæsi verunt, in ista turpitudine, quæ per pagos villasque ingenti boatu risuque fuit celebrata. Nam Bacchum seminibus præesse judicare voluerunt. Sine Baccho friget Venus Euripidis est quod addo, in Bacchi laudem cantatum:

Τὴν παυσίλυτον ἄμπελον δῆναι βροτοῖς.

οἶνον δὲ μήκέτ' ὄντ' ὅτι ἔκ' ἐστιν κύπρις,

ἔδ' ἄλλο περ πλὸν ἔδεν ἀνθρώποις ἐπὶ.

Oblivionem palmitem mali dedit.

Si vina tollas & Venus statim perit

Nec dulce quidquam restat hinc mortalibus.

Egregium, si Baccho placet, mysterium! Turpitudines sunt, quæ narravi, immundarum animarum

rum animarum, quæ uno vero Deo destitutæ,
fraudibus immundi spiritus, immunditiæ prosti-
tuuntur, seq; ut Augustin. d. l. loquitur *Spurcorum*
demonum turbis conviolandas polluendasq; præbent.
Nec celebrari sacra tam probo Deo poterant, nisi
à thyrsigeris furore correptis, tanta insaniâ, ut
omni pudore posthabito, per secreta silvarum
clamoribus & dissonis & turpissimis ejulantes,
per furorem agere, non per fraudem viderentur.
Hæc illa dementia est, quæ adeo Christianis pla-
cuit, ut nulla arte tolli penitus potuerit. Tam dif-
ficulter cupit obliterari inveterata lascivia. Ast
utinam ne superare studerent Ethnicam petu-
lantiam Christiani. Illi insaniebant quotannis,
vel saltem tertio quovis anno, unde Trieterica di-
cebantur sacra, quasi triennalia, nostri quotidie.
Ignominiosum nobis est, verum tamen, si veritas
dicenda; totam multorum studiosorum vitam
Academicam, perpetua esse bacchanalia. Futili-
tatibus & ineptiis destinare nobilem juventu-
tem; nocturnis diurnisq; discursationibus; be-
luinis clamoribus & boatibus; rixis & tumul-
tibus tranquilla noctis silentia, & diei honestam
securitatem turbare; temulentas pugnas & cæ-
des movere, quid est, nisi bacchanalia desipere?
Cogitate, si quid adhuc sani in vobis est, cogitate,
non tantum Christo vos nomen dedisse, quod
vobis

vobis cum plebe commune est, sed quod vos supra vulgi sortem evehit, sapientiæ vos virtutisq; studiosos audire. Quid Christo cum Belial? quid luci cum tenebris? quid sapientiæ cum turpissima dementia? Christo estis sacri; ita putatis, ita profitemini; in Diaboli castra aperte transire non erubescitis, ipsiq; turpissimâ scurrilitate libare. Tristis ubiq; omnium rerum est facies; Bello ardet Corpus Christi; sonat ferrum, offensus numinis iudicium; nos Bacchi orgiis saciare, & nostra malitiâ bellum alere non desistimus. Si diuturnis hisce malis, quibus premimur ita animus obstupuerit, ut sensu etiam molestiæ carere cæperit, scitote, ô Amici, gravior vos expectat ira. Numen est, quo cû belîu geritis, potentiâ læsi numinis effugere non poteritis, nec ejus sapientiam corrumpere. Novit figmenta atq; cogitata animi. Siste nobis hisce diebus Ecclesia Salvatorem nostrum in vincula coniectum, morti q; traditum. Ecce homo! Ecce! quantum laboravit pro tua salute, Deus benedictus in secula? Nolite perdere, quod Deus sibi acquisivit peculium, effuso sanguine. Det nobis omnibus pater luminis spiritum cognitionis & sapientiæ, ut nos ipsos cognoscamus, & solidam in Christo Jesu salutem ferio quæramus. p. p. Rostochii 28. Februarij, Anno 1647.